

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-2379/19  
Sarajevo, 23.1.2020. godine

## Z A P I S N I K

### 4. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 19. 12. 2019. i 23.1.2020. godine

Sjednica je počela sa radom u 11.25.  
Sjednicom je predsjedao Tomislav Martinović, predsjedatelj Doma naroda Parlamenta Federacije Bosne i Hercegovine.  
Predsjedatelj je pozdravio izaslanike, predstavnike Vlade Federacije Bosne i Hercegovine te predstavnike medija.  
Izočnost sjednici opravdale su Alisa Hajdarović i Mirela Trepanić.  
Prema evidenciji Stručne službe, sjednici nazoči 50 izaslanika što čini većinu pa Dom naroda može raditi i punovažno odlučivati.  
Potom je predsjedatelj podsjetio izaslanike da temeljem članka 109 Poslovnika o radu Doma naroda Parlamenta Federacije Bosne i Hercegovine, ukoliko žele, mogu postavljati izaslanička pitanja ili pokretati inicijative.

#### Izaslanička pitanja i inicijative

**Damir Marjanović** je postavio pitanje Federalnom ministarstvu obrazovanja i nauke šta je poduzelo po pitanju analize rezultata PISA testiranja na razini Federacije.

Pokrenuo je inicijativu da se najkasnije do kraja siječnja 2020. godine organizira sastanak svih kantonalnih ministara pod pokroviteljstvom Federalnog ministarstva obrazovanja gdje bi se analizirali rezultati testiranja.

**Boris Krešić** je postavio dva pitanja i pokrenuo jednu inicijativu.

Inicijativa se odnosi na izmjenu i dopunu Zakona o zdravstvenom osiguranju Federacije BiH odnosno brisanje dvije riječi u članku 19. točka 13a uz obrazloženje da su navedenim dijelom članka 19. djeca uzrasta od šest do 15 godina, zbog teškog zdravstvenog stanja koje onemogućuje njihovo školovanje, dovedena u diskriminirajući položaj.

Prvo pitanje je uputio Ministarstvu financija FBiH, a odnosi se na Izvješće o financijskoj reviziji Univerziteta u Tuzli u vezi sa angažiranjem vanjskih suradnika za obavljanje redovitih poslova koji se vežu za obavljanje nastave.

Drugo pitanje je upućeno Vladi FBiH, Ministarstvu pravde FBiH i Ministarstvu rada i socijalne politike. Pitanje se odnosi na Odluku Ustavnog suda iz 11. listopada 2018. godine kojom je prekršeno pravo na zabranu diskriminacije iz članka 14. Evropske konvencije o ljudskim pravima, a koji se odnosi na izjednačavanje izvanbračne zajednice sa bračnom zajednicom u pogledu ostvarivanja prava na mirovinu.

**Damir Džeba** je postavio dva pitanja Upravnom odboru, Programskom vijeću i direktoru RTV FBiH. Pitanje se odnosi na iznos kazni koje su plaćene po temelju kršenja Kodeksa od audio vizuelnim medijskim uslugama.

Drugo pitanje se odnosi na broj kazni koje je RTV FBiH platila na temelju izgubljenih privatnih tužbi.

**Senad Ahmetović** je uputio dva pitanja i inicijativu.

Prvo pitanje upućuje ministru za pitanja branitelja koje se odnosi na upošljavanje šehidske djece.

Drugo pitanje je upućeno Vladi FBiH i osam mjerodavnih ministarstava u vezi sa Planom aktivnosti rada za 2020. godinu po pitanju migranata u FBiH.

Pokrenuo je inicijativu da mjerodavno Ministarstvo poduzme sve aktivnosti koje su potrebne kako bi se u 2020. godini po žurnom postupku izvršilo upošljavanje prethodno navedenih.

**Sandra Imširović** je pokrenula inicijativu kojom je od Željeznica FBiH zatražila ponovno uvođenje putničkih vlakova na području Tuzlanskog kantona.

**Zvonko Marić** je postavio dva pitanja.

Prvo pitanje se odnosi na neprovođenje Odluke Ustavnog suda FBiH kojom su osporeni članci 15. i 16. Zakona o BiH koji utvrđuju kao isključivu mjerodavnost kantona utvrđivanja obrazovne politike.

Drugo pitanje se odnosi na dodjeljivanje sredstava kantonima za zaštitu nacionalnih spomenika i temeljem kojih kriterija se pomenuta sredstva dodjeljuju.

**Mladen Simić** je uputio dva pitanja.

Prvo pitanje je postavio Federalnom ministarstvu pravde koje se odnosi na državne službenike koji su još uvijek u radnom odnosu, a stekli su uvjete za odlazak u mirovinu.

Drugo pitanje je upućeno Vladi Federacije u vezi sa još uvijek važećom Uredbom Vlade FBiH iz 2015. godine o vršenju ovlaštenja iz gospodarskih društava sa učešćem kapitala iz mjerodavnosti Federacije koja nije sukladna Ustavu.

**Dragan Stevanović** postavlja tri pitanja.

Prvo pitanje je uputio Ministarstvu zdravstva FBiH vezano za ustanove u FBiH koje imaju odobrenje Federalnog ministarstva zdravstva za obavljanje djelatnosti liječenja neplodnosti biomedicinski potpomognutom oplodnjom. Kada je izvršen posljednji stručni nadzor nad radom ovih ustanova i kakvi su ukupni rezultati biološki potpomognute oplodnje.

Drugo pitanje se odnosi na Ministarstvo pravosuđa i vezano je za obim sačuvane dokumentacije civilnih i vojnih sudova koji su donosili određene presude i vodili procese u toku ratnih dešavanja na teritoriju FBiH.

Treće pitanje je uputio Ministarstvu zdravstva, na temelju kojeg plana i programa rada za naredne četiri godine je Upravni odbor Kliničkog centra donio Odluku, a Vlada FBiH donijela odluku za reizbor generalnog direktora Kliničkog centra.

**Vibor Handžić** je pokrenuo dvije inicijative.

Prva inicijativa se odnosi na izmjenu Poslovnika o radu Doma naroda Federacije Bosne i Hercegovine u dijelu koji se odnosi na klubove naroda i Kolegij doma naroda i da omoguće izaslanicima iz reda ostalih prisustvo na sjednicama Kolegija. Druga inicijativa je upućena Federalnom ministarstvu prometa i komunikacija koja se odnosi na izmjenu Zakona o cestovnom prometu u vezi sa šatl prevozom.

**Aner Žuljević** je postavio pitanje vezano za kreditno zaduženje EP HZHB i zatražio je izvješće od finansijske policije vezano za stanje u Aluminiju d.d. Mostar. Od Vlade FBiH je zatražio dostavu informacije u vezi sa Zaključkom koji se odnosi na JP Deponija d.o.o. Mostar. Pokrenuo je inicijativu prema Predsjedništvu BiH da dostavi dokument u vezi sa programom ANP.

**Segmedina Srna Bajramović** je pokrenula inicijativu za zakazivanje tematske sjednice na temu informacija o problemima u implementaciji Zakona o transplantaciji organa i tkiva u svrhu liječenja.

Postavila je pitanje koje se odnosi na planove saniranja pojedinih dionica sa oznakom crna točka u FBiH zbog povećanog broja saobraćajnih nesreća u posljednjih nekoliko godina.

**Hadis Jusić** je postavio pitanje JP Ceste Federacije u vezi sa izgradnjom magistralne ceste Bihać-Bosanska Krupa.

Prije prelaska na rad predsjedatelj je pozvao izaslanike da usvoje Zapisnik sa 3. redovne sjednice Doma naroda i Zapisnik sa 2. izvanredne sjednice Doma naroda.

Na temelju rezultata glasovanja, predsjedatelj je konstatirao da je Dom naroda Parlamenta Federacije Bosne i Hercegovine bez primjedbi, sa 36 glasova za i jednim suzdržanim glasom usvojio Zapisnik sa 3. sjednice Doma naroda Parlamenta FBiH održane 4.10.2019. godine

Na temelju rezultata glasovanja, predsjedatelj je konstatirao da je Dom naroda Parlamenta Federacije Bosne i Hercegovine bez primjedbi, sa 38 glasova za i dva suzdržana usvojio Zapisnik sa 2. vanredne sjedice Doma naroda Parlamenta FBiH održane 14.11.2019. godine.

Potom se prešlo na utvrđivanje dnevnog reda.

Predsjedatelj je izvjestio izaslanike da je Vlada Federacije BiH dostavila sljedeće prijedloge zakona s prijedlogom da se razmatraju po žurnom postupku i to: Prijedlog proračuna Federacije BiH za 2020. godinu, Prijedlog zakona o izvršenju proračuna za 2020. godinu, Prijedlog zakona o izmjenama i dopunama zakona o proračunima u Federaciji BiH, Prijedlog zakona o izmjenama i dopunama Zakona o riznici u Federaciji BiH, Prijedlog zakona o izmjenama Zakona o doprinosima, Prijedlog zakona o izmjeni Zakona o novčanim potporama u poljoprivredi i ruralnom razvitku i Prijedlog zakona o izmjenama Zakona o visini stope zatezne kamate na javne prihode. Zatim je pozvao izaslanike da se, na temelju članka 188. Poslovnika o radu Doma naroda, izjasne da li će ove prijedloge zakona razmatrati po žurnom postupku.

Na temelju rezultata glasovanja, predsjedatelj je konstatirao da je Dom naroda Parlamenta Federacije Bosne i Hercegovine sa 29 glasova za, četiri suzdržana i pet glasova protiv, prihvatio da se Prijedlog proračuna FBiH za 2020. godinu razmatra po žurnom postupku.

S obzirom da je izaslanik Aner Žuljević, kojeg su podržala dva izaslanika, izrazio sumnju u rezultate glasovanje, tajnik Doma naroda Izmir Hadžić izvršio je poimenično izjašnjenje.

Na temelju rezultata poimeničnog izjašnjenja, predsjedatelj je konstatirao da je Dom naroda Parlamenta FBiH sa 31 glasom za, šest suzdržanih i 12 glasova protiv, prihvatio da se Prijedlog proračuna Federacije BiH za 2020. godinu razmatra po žurnom postupku.

Na temelju rezultata glasovanja, predsjedatelj je konstatirao da je Dom naroda Parlamenta FBiH sa 30 glasova za, šest suzdržanih glasova i 11 glasova protiv, prihvatio da se Prijedlog zakona o izvršavanju Proračuna Federacije za 2020. godinu razmatra po žurnom postupku.

Na temelju rezultata glasovanja, predsjedatelj je konstatirao da je Dom naroda Parlamenta FBiH sa 31 glasom za, pet suzdržanih glasova i 11 glasova protiv, prihvatio da se Prijedlog zakona o izmjenama i dopunama Zakona o proračunima u Federaciji BiH razmatra po žurnom postupku.

Na temelju rezultata glasovanja, predsjedatelj je konstatirao da je Dom naroda Parlamenta FBiH sa 30 glasova za, sedam suzdržanih glasova i 12

glasova protiv, prihvatio da se Prijedlog zakona o izmjenama i dopunama Zakona o riznici u Federaciji BiH razmatra po žurnom postupku.

Na temelju rezultata glasovanja, predsjedatelj je konstatirao da je Dom naroda Parlamenta FBiH sa 31 glasom za, pet suzdržanih glasova i 12 glasova protiv, prihvatio da se Prijedlog zakona o izmjenama Zakona o doprinosima razmatra po žurnom postupku.

Na temelju rezultata glasovanja, predsjedatelj je konstatirao da je Dom naroda Parlamenta FBiH sa 31 glasom za, šest suzdržanih glasova i 11 glasova protiv, prihvatio da se Prijedlog zakona o izmjeni Zakona o novčanim potporama u poljoprivredi i ruralnom razvitku razmatra po žurnom postupku.

Na temelju rezultata glasovanja, predsjedatelj je konstatirao da je Dom naroda Parlamenta FBiH sa 31 glasom za, četiri suzdržana glasa i 12 glasova protiv, prihvatio da se Prijedlog Zakona o izmjenama Zakona o visini stope zatezne kamate na javne prihode razmatra po žurnom postupku.

Kolegij Doma naroda je predložio da se kao 1. točka dnevnog reda sjednice uvrsti verificiranje mandata izaslaniku Aleksandru Štrbcu i pristupi glasovanju o ovom prijedlogu.

Na temelju rezultata glasovanja, predsjedatelj je konstatirao da je Dom naroda Parlamenta FBiH sa 35 glasova za, tri suzdržana i tri glasa protiv, prihvatio da se u dnevni red uvrsti točka - Verifikacija mandata izaslaniku u Domu naroda Parlamenta Federacije BiH kao 1. točka dnevnog reda.

U ime Kluba izaslanika bošnjačkog naroda, predsjednik Kluba Jasmin Duvnjak je predložio da se u dnevni red današnje sjednice uvrste Nacrt Zakona o podršci obitelji sa djecom u FBiH, Prijedlog Odluke o prihvatanju zaduženja po Ugovoru o zajmu između BiH i Evropske banke za obnovu i razvitak za realizaciju Projekta Živinice - Regionalna deponija za kruti otpad i Odluka o razrješenju i imenovanju članova Komisije za vrijednosne papire Federacije Bosne i Hercegovine.

Aner Žuljević je predložio da se u dnevni red ove sjednice uvrsti zaključak kojim bi se od Predsjedništva Bosne i Hercegovine zatražilo dostavljanje Programa reformi (ANP) prije njegovog dostavljanja NATO-u.

U vezi prijedloga za uvrštavanje u dnevni red Odluke o razrješenju i imenovanju članova Komisije za vrijednosne papire Federacije Bosne i Hercegovine razvila se diskusija u kojoj su sudjelovali Aner Žuljević, potpredsjednik Federacije BiH, Milan Dunović, Dragan Stevanović, Ivo Tadić te Igor Stojanović, koji je izjavio da će 13 izaslanika iz reda srpskog

naroda, u slučaju da se ova točka uvrsti u dnevni red današnje sjednice, proglasiti da se radi o vitalnom interesu konstitutivnog srpskog naroda, budući da za članove Komisije nije predložen nijedan pripadnik srpskog naroda.

Jasmin Duvnjak je, nakon toga, povukao prijedlog da se ova točka uvrsti u dnevni red današnje sjednice.

Na temelju rezultata glasovanja, predsjedatelj je konstatirao da je Dom naroda Parlamenta FBiH sa 35 glasova za, tri suzdržana glasa i tri glasa protiv, prihvatio da se Nacrt zakona o podršci obitelji sa djecom u FBiH uvrsti u dnevni red.

Predsjedatelj je stavio na glasovanje da se Prijedlog odluke o prihvatanju zaduženja po Ugovoru o zajmu između BiH i Evropske banke za obnovu i razvitak za realizaciju Projekta Živinice - Regionalna deponija za kruti otpad uvrsti u dnevni red.

Na temelju rezultata glasovanja, predsjedatelj je konstatirao da je Dom naroda Parlamenta FBiH sa 41 glasom za, pet suzdržanih glasova i jednim glasom protiv, prihvatio da se ova točka uvrsti u dnevni red.

Potom se glasovalo o prijedlogu Anera Žuljevića da se u dnevni red današnje sjednice Doma naroda uvrsti Zaključak da Predsjedništvo BiH Parlamentu FBiH dostavi Program reformi obrane prije nego što ih uputi u sjedište NATO Saveza u Briselu.

Pristupilo se glasovanju i na temelju rezultata glasovanja, predsjedatelj je konstatirao da je Dom naroda Parlamenta FBiH sa 31 glasom za, 12 suzdržanih glasova i četiri glasa protiv, prihvatio da se Zaključak uvrsti u dnevni red.

Zatim je predsjedatelj stavio na glasovanje predloženi dnevni red i na temelju rezultata glasovanja, konstatirao da je Dom naroda Parlamenta Federacije Bosne i Hercegovine sa 41 glasom za, pet suzdržanih glasova i tri glasa protiv usvojio sljedeći

## **D N E V N I R E D**

1. Verifikacija mandata izaslaniku u Domu naroda Parlamenta Federacije Bosne i Hercegovine,
2. Prijedlog proračuna Federacije Bosne i Hercegovine za 2020. godinu - žurni postupak,

3. Prijedlog zakona o izvršavanju Proračuna Federacije Bosne i Hercegovine za 2020. godinu - žurni postupak,
4. Prijedlog zakona o izmjenama i dopunama Zakona o proračunima u Federaciji Bosne i Hercegovine - žurni postupak,
5. Prijedlog zakona o izmjenama i dopunama Zakona o riznici u Federaciji Bosne i Hercegovine - žurni postupak,
6. Prijedlog zakona o izmjenama Zakona o doprinosima - žurni postupak,
7. Prijedlog zakona o izmjeni Zakona o novčanim potporama u poljoprivredi i ruralnom razvitku - žurni postupak,
8. Prijedlog zakona o izmjenama Zakona o visini stope zatezne kamate na javne prihode - žurni postupak,
9. Prijedlog odluke o davanju suglasnosti na Financijski plan Federalnog zavoda za zapošljavanje za 2020. godinu i Procjenu plana za 2021. i 2022. godinu i Odluku o izvršavanja Financijskog plana Federalnog zavoda za zapošljavanje za 2020. godinu,
10. Prijedlog odluke o davanju suglasnosti na Financijski plan Zavoda zdravstvenog osiguranja i reosiguranja Federacije BiH za 2020. godinu i Odluku o načinu izvršavanja Financijskog plana Zavoda zdravstvenog osiguranja i reosiguranja Federacije BiH za 2020. godinu,
11. Prijedlog odluke o davanju suglasnosti na Odluku o izmjenama i dopunama Financijskog plana Federalnog zavoda za mirovinsko i invalidsko osiguranje za 2019. godinu,
12. Prijedlog finansijskog plana - proračuna FERK-a za 2019. godinu,
13. Prijedlog finansijskog plana - proračuna FERK-a za 2020. godinu,
14. Nacrt zakona o građevinskom zemljištu u Federaciji Bosne i Hercegovine,

15. Nacrt zakona o izmjenama i dopunama zakona o registraciji poslovnih subjekata u Federaciji Bosne i Hercegovine,
16. Nacrt zakona o izmjenama i dopunama zakona o osnovama socijalne zaštite, zaštite civilnih žrtava rata i zaštite obitelji s djecom (predlagatelj: Aljoša Čampara, izaslanik u Domu naroda Parlamenta Federacije BiH),
17. Nacrt zakona o sudskoj policiji u Federaciji Bosne i Hercegovine,
18. Nacrt zakona o podršci obitelji sa djecom u Federaciji Bosne i Hercegovine,
19. Prijedlog odluke o prihvatanju zaduženja po Sporazumu o zajmu između Međunarodne banke za obnovu i razvitak (IBRD) i Bosne i Hercegovine za realizaciju Projekta „Energetske efikasnosti - dodatno financiranje“,
20. Prijedlog odluke o prihvatanju zaduženja po Ugovoru o zajmu između BiH i Evropske banke za obnovu i razvitak (EBRD) za realizaciju projekta “Javni prijevoz Sarajevo”,
21. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvitak za realizaciju Projekta Živinice - Regionalna deponija za kruti otpad,
22. Prijedlog zaključka - (predlagatelj: Aner Žuljević, izaslanik u Domu naroda Parlamenta Federacije BiH).

## **1. Verificiranje mandata izaslaniku u Domu Naroda Parlamenta Federacije Bosne i Hercegovine**

Centralno izborno povjerenstvo Bosne i Hercegovine izvjestilo je Dom naroda da je prestao mandat izaslaniku Dušku Radunu zbog osude na kaznu zatvora dužu od šest mjeseci te da je dodijeljen mandat sljedećem kvalificiranom kandidatu Aleksandru Štrbcu iz reda srpskog naroda.

Privremeno mandatno imunitetno povjerenstvo održalo je sjednicu i dostavilo svoje izvješće.

U pretresu nije nitko sudjelovao.



Na temelju rezultata glasovanja, predsjedatelj je konstatirao da je Dom naroda Parlamenta Federacije Bosne i Hercegovine jednoglasno sa 43 glasa za usvojio izvješće Privremenog mandatno imunitetnog povjerenstva i time verificirao mandat izaslaniku u Domu naroda Parlamenta Federacije Bosne i Hercegovine Štrbac Aleksandru nakon čega je novoizabrani izaslanik dao prisegu.

## **2. Prijedlog proračuna Federacije Bosne i Hercegovine za 2020.godinu - žurni postupak**

Prijedlog proračuna Federacije Bosne i Hercegovine za 2020. godinu utvrdila je Vlada Federacije.

Zastupnički dom Parlamenta Federacije Bosne i Hercegovine je na 9. redovnoj sjednici održanoj 18.12.2019. godine usvojio Prijedlog proračuna Federacije Bosne i Hercegovine za 2020.godinu sa dva amandmana koja je prihvatila Vlada Federacije pa su postali sastavni dio Prijedloga proračuna. Prijedlog proračuna je razmatralo mjerodavno radno tijelo i dostavilo izvješće.

Na Prijedlog proračuna Federacije za 2020. godinu amandmane su podnijeli Edim Fejzić (dva amandmana) i Segmedina Srna Bajramović (pet amandmana).

Prijedlog proračuna Federacije Bosne i Hercegovine za 2020. godinu obrazložio je premijer Federacije Bosne i Hercegovine Fadil Novalić.

U pretresu su sudjelovali: Damir Marjanović, Ivo Tadić, Zvonko Marić, Aner Žuljević, Dragan Stevanović, Vibor Handžić, Hadis Jusić, Edim Fejzić, Jasmin Duvnjak, Zdenka Džambas.

Budući da Vlada Federacije nije prihvatila podnesene amandmane, predsjedatelj je upitao podnositelje amandmana ostaju li pri podnesenim amandmanima.

Edim Fejzić je izjavio da odustaje od amandmana, a Segmedina Srna Bajramović nije odustala od amandmana, te ih je predsjedatelj stavio na glasovanje i konstatirao da:

- Dom naroda Parlamenta Federacije nije usvojio Amandman I, jer je za glasovalo 20 izaslanika, 10 izaslanika je bilo suzdržano, a 13 izaslanika je bilo protiv;

- Dom naroda Parlamenta Federacije nije usvojio Amandman II, jer je za glasao 21 izaslanik, devet izaslanika je bilo suzdržano, a 12 izaslanika je bilo protiv;
- Dom naroda Parlamenta Federacije nije usvojio Amandman III, jer je za glasao 21 izaslanik, 11 izaslanika je bilo suzdržano, a 10 izaslanika je bilo protiv;
- Dom naroda Parlamenta Federacije nije usvojio Amandman IV, jer je za glasovalo 18 izaslanika, 10 izaslanika je bilo suzdržano, a 12 izaslanika je bilo protiv;
- Dom naroda Parlamenta Federacije nije usvojio Amandman V, jer je za glasovalo 20 izaslanika, sedam izaslanika je bilo suzdržano, a 12 izaslanika je bilo protiv.

Potom se glasovalo o Prijedlogu proračuna Federacije BiH za 2020. godinu.

Na temelju rezultata glasovanja predsjedatelj je konstatirao da je Dom naroda Parlamenta Federacije Bosne i Hercegovine sa 32 glasa za, jedan suzdržan i 10 glasova protiv usvojio Prijedlog proračuna Federacije BiH za 2020. godinu.

Potom je predsjedatelj stavio na glasovanje prijedlog zaključka izaslanika Nijaza Musića i na temelju rezultata glasovanja, konstatirao da je Dom naroda Parlamenta Federacije Bosne i Hercegovine sa 39 glasova za, tri suzdržana i jedan protiv usvojio sljedeći

## **ZAKLJUČAK**

Obvezuje se Vlada Federacije Bosne i Hercegovine da, prilikom raspodjele sredstava iz Proračuna Federacije Bosne i Hercegovine sa ekonomskog koda - Podrška nižim razinama vlasti, uzme u obzir nerazvijene i neodržive kantone i općine i njihove potrebe u pogledu izvršavanja ustavnih i zakonskih obaveza.

Budući da su Klub izaslanika bošnjačkog naroda u Domu naroda i Odbor za ekonomsku i razvojnu politiku, financije i proračun Doma naroda predložili zaključke, predsjedatelj ih je stavio na glasovanje i konstatirao da:

- Dom naroda Parlamenta Federacije nije usvojio Zaključak kojeg je predložio Klub izaslanika bošnjačkog naroda u Domu naroda, jer je

za glasovalo 19 izaslanika, osam izaslanika je bilo suzdržano, a sedam izaslanika je bilo protiv;

- Dom naroda Parlamenta Federacije nije usvojio Zaključak kojeg je predložio Odbor za ekonomsku i razvojnu politiku, financije i proračun Doma naroda, jer je za glasovalo 20 izaslanika, pet izaslanika je bilo suzdržano, a četiri izaslanika su bila protiv.

### **3. Prijedlog zakona o izvršavanju Proračuna Federacije za 2020.godinu - žurni postupak**

Prijedlog zakona o izvršavanju Proračuna Federacije za 2020. godinu utvrdila je Vlada Federacije.

Zastupnički dom Parlamenta Federacije Bosne i Hercegovine je na 9. sjednici održanoj 18.12.2019. godine usvojio Prijedlog zakona o izvršavanju Proračuna Federacije Bosne i Hercegovine za 2020. godinu u tekstu kako ga je predložila Vlada Federacije.

Prijedlog zakona su razmatrala mjerodavna radna tijela i dostavila svoje izvješće.

U pretresu nije nitko sudjelovao.

Na temelju rezultata glasovanja, predsjedatelj je konstatirao da je Dom naroda Parlamenta Federacije Bosne i Hercegovine sa 32 glasa za, dva suzdržana i devet glasova protiv, usvojio Prijedlog zakona o izvršavanju Proračuna Federacije Bosne i Hercegovine za 2020. godinu..

### **4. Prijedlog zakona o izmjenama i dopunama Zakona o proračunima u Federaciji BiH - žurni postupak**

Prijedlog zakona o izmjenama i dopunama Zakona o proračunima u Federaciji BiH utvrdila je Vlada Federacije.

Zastupnički dom Parlamenta Federacije Bosne i Hercegovine je na 9. sjednici održanoj 18.12.2019. godine usvojio Prijedlog zakona o izmjenama i dopunama Zakona o proračunima u Federaciji BiH u tekstu kako ga je predložila Vlada Federacije.

Prijedlog zakona o izmjenama i dopunama Zakona o proračunima u Federaciji BiH obrazložila je federalna ministrica financija Jelka Milićević.

Na Prijedlog zakona Amandman je podnio izaslanik Aner Žuljević.

Prijedlog zakona su razmatrala mjerodavna radna tijela i dostavila svoje izvješće.

U pretresu nitko nije sudjelovao.

Budući da Vlada Federacije nije prihvatila Amandman izaslanika Anera Žuljevića, a kako izaslanik nije odustao od Amandmana, predsjedatelj ga je stavio na glasovanje i konstatirao da Dom naroda Parlamenta Federacije nije usvojio Amandman, jer je za glasovalo 18 izaslanika, osam izaslanika je bilo suzdržano, a 15 izaslanika je bilo protiv.

Na temelju rezultata glasovanja, predsjedatelj je konstatirao da je Dom naroda Parlamenta Federacije Bosne i Hercegovine sa 30 glasova za, tri suzdržana i osam glasova protiv usvojio Prijedlog zakona o izmjenama i dopunama Zakona o proračunima u Federaciji Bosne i Hercegovine.

#### **5. Prijedlog zakona o izmjenama i dopunama Zakona o riznici u Federaciji BiH - žurni postupak**

Prijedlog zakona o izmjenama i dopunama Zakona o trezoru u Federaciji BiH utvrdila je Vlada Federacije.

Zastupnički dom Parlamenta Federacije Bosne i Hercegovine je na 9. sjednici održanoj 17.12.2019. godine usvojio Prijedlog zakona o izmjenama i dopunama Zakona o riznici u Federaciji BiH u tekstu kako ga je Vlada Federacije predložila.

Prijedlog odluke su razmatrala mjerodavna radna tijela i dostavila svoje izvješće.

U pretresu nitko nije sudjelovao.

Na temelju rezultata glasovanja, predsjedatelj je konstatirao da je Dom naroda Parlamenta Federacije Bosne i Hercegovine sa 34 glasa za, jedan suzdržan i jedan protiv, usvojio Prijedlog zakona o izmjenama i dopunama Zakona o riznici u Federaciji Bosne i Hercegovine.

#### **6. Prijedlog zakona o izmjenama Zakona o doprinosima - žurni postupak**

Prijedlog zakona o izmjenama Zakona o doprinosima utvrdila je Vlada Federacije.

Zastupnički dom Parlamenta Federacije Bosne i Hercegovine je na 9. sjednici održanoj 18.12.2019. godine usvojio Prijedlog zakona o izmjenama Zakona o doprinosima u tekstu kako ga je predložila Vlada Federacije.

Prijedlog odluke su razmatrala mjerodavna radna tijela i dostavila svoje izvješće.

U pretresu su sudjelovali Rasim Pajić, federalna ministrica financija Jelka Milićević i Elmedin Konaković.

Na temelju rezultata glasovanja, predsjedatelj je konstatirao da je Dom naroda Parlamenta Federacije Bosne i Hercegovine sa 38 glasova za, tri suzdržana glasa i dva glasa protiv, usvojio Prijedlog zakona o izmjenama Zakona o doprinosima.

## **7. Prijedlog zakona o izmjeni Zakona o novčanim potporama u poljoprivredi i ruralnom razvitku - žurni postupak**

Prijedlog zakona o izmjeni Zakona o novčanim potporama u poljoprivredi i ruralnom razvitku utvrdila je Vlada Federacije.

Zastupnički dom Parlamenta Federacije Bosne i Hercegovine je na 9. sjednici održanoj 17.12.2019. godine usvojio Prijedlog zakona o izmjeni Zakona o novčanim potporama u poljoprivredi i ruralnom razvitku i primio k znanju Informaciju o produženju Srednjoročne strategije razvoja poljoprivrednog sektora u Federaciji za razdoblje 2015. - 2019. godina do kraja 2020. godine.

Prijedlog zakona su razmatrala mjerodavna radna tijela i dostavila svoje izvješće.

Prijedlog zakona o izmjeni Zakona o novčanim potporama u poljoprivredi i ruralnom razvitku obrazložila je federalna ministrica financija Jelka Milićević. U pretresu su sudjelovali predsjednik Kluba izaslanika bošnjačkog naroda Jasmin Duvnjak i Aner Žuljević.

Na temelju rezultata glasovanja predsjedatelj je konstatirao da je Dom naroda Parlamenta Federacije Bosne i Hercegovine sa 37 glasova za, četiri suzdržana i jedan glas protiv usvojio Prijedlog zakona o izmjeni Zakona o novčanim potporama u poljoprivredi i ruralnom razvitku.

Također, predsjedatelj je konstatirao da je Dom naroda Federacije BiH primio k znanju Informaciju o produženju Srednjoročne strategije razvitka poljoprivrednog sektora u Federaciji za razdoblje 2015. - 2019. godina do kraja 2020. godine.

## **8. Prijedlog zakona o izmjenama Zakona o visini stop zatezne kamate na javne prihode - žurni postupak**

Prijedlog zakona o izmjenama Zakona o visini stope zatezne kamate na javne prihode utvrdila je Vlada Federacije.

Zastupnički dom Parlamenta Federacije Bosne i Hercegovine je na 4. sjednici održanoj 10. i 11.09.2019 godine usvojio Prijedlog zakona o izmjenama Zakona o visini stope zatezne kamate na javne prihode u tekstu kako ga je predložila Vlada Federacije.

Prijedlog zakona su razmatrala mjerodavna radna tijela i dostavila svoje izvješće.

U pretresu nitko nije sudjelovao.

Na temelju rezultata glasovanja predsjedatelj je konstatirao da je Dom naroda Parlamenta Federacije Bosne i Hercegovine sa 38 glasova za, tri suzdržana i nijedan protiv usvojio Prijedlog zakona o izmjenama Zakona o visini stope zatezne kamate na javne prihode.

### **9. Prijedlog odluke o davanju suglasnosti na Financijski plan Federalnog zavoda za zapošljavanje za 2020. godinu i procjenu plana za 2021. i 2022. godinu i Odluku o izvršavanju Financijskog plana Federalnog zavoda za zapošljavanje za 2020. godinu.**

Prijedlog odluke o davanju suglasnosti na Financijski plan Federalnog zavoda za zapošljavanje za 2020. godinu i procjenu plana za 2021. i 2022. godinu i Odluku o izvršavanju Financijskog plana Federalnog zavoda za zapošljavanje za 2020.godinu dostavila je Vlada Federacije.

Zastupnički dom Parlamenta Federacije Bosne i Hercegovine je na 9. sjednici održanoj 18.12.2019 godine donio Odluku o davanju suglasnosti na Financijski plan Federalnog zavoda za zapošljavanje za 2020. godinu i procjenu plana za 2021. i 2022. godinu i Odluku o izvršavanju Financijskog plana Federalnog zavoda za zapošljavanje za 2020.godinu.

Prijedlog odluke su razmatrala mjerodavna radna tijela i dostavila svoje izvješće.

U pretresu su sudjelovali: Elmedin Konaković, Aljoša Čampara, Ivo Tadić, Dragan Stevanović, Aner Žuljević, Žarko Vujević, predsjednik Kluba izaslanika bošnjačkog naroda, Jasmin Duvnjak, Zvonko Marić, direktorica Federalnog zavoda za zapošljavanje, Helena Lončar i Damir Marjanović.

Temeljem rezultata glasovanja predsjedatelj je konstatirao da Dom naroda Parlamenta Federacije Bosne i Hercegovine nije usvojio Prijedlog odluke o davanju suglasnosti na Financijski plan Federalnog zavoda za zapošljavanje za 2020.godinu i procjenu plana za 2021. i 2022. godinu i

Odluku o izvršavanju Financijskog plana Federalnog zavoda za zapošljavanje za 2020.godinu jer je za glasovalo 29 izaslanika, tri su bila suzdržana i šest izaslanika je bilo protiv.

S obzirom da je predsjednik Kluba hrvatskog naroda izrazio sumnju u rezultate glasovanja, uz potporu dva izaslanika, tajnik Doma naroda Izmir Hadživadić je temeljem članka 113. Poslovnika o radu Doma naroda izvršio poimenično izjašnjavanje.

Na temelju rezultata poimeničnog izjašnjavanja predsjedatelj Doma naroda je konstatirao da je Dom naroda Parlamenta Federacije Bosne i Hercegovine sa 33 glasa za, šest suzdržanih i šest glasova protiv donio Odluku o davanju suglasnosti na Financijski plan Federalnog zavoda za zapošljavanje za 2020. godinu i procjenu plana za 2021. i 2022. godinu i Odluku o izvršavanju Financijskog plana Federalnog zavoda za zapošljavanje za 2020.godinu.

Nakon toga predsjedatelj je stavio na glasovanje prijedlog zaključka Kluba izaslanika bošnjačkog naroda i temeljem rezultata glasovanja konstatirao da je Dom naroda Parlamenta Federacije Bosne i Hercegovine sa 36 glasova za, dva suzdržana i jedan glas protiv usvojio sljedeći

## ZAKLJUČAK

Zadužuje se Federalni zavod za zapošljavanje da javni poziv za učešće u realizaciji mjera sufinanciranja samozapošljavanja objavi najkasnije do 28. 2. 2020. godine i da se ukupni iznos sredstava predviđen za realizaciju ovih mjera uveća za 30% u odnosu na 2019. godinu.

### **10. Prijedlog odluke o davanju suglasnosti na Financijski plan Zavoda zdravstvenog osiguranja i reosiguranja Federacije BiH za 2020. godinu i Odluku o načinu izvršavanja Financijskog plana Zavoda zdravstvenog osiguranja i reosiguranja Federacije BiH za 2020. godinu**

Prijedlog odluke o davanju suglasnosti na Financijski plan Zavoda zdravstvenog osiguranja i reosiguranja Federacije BiH za 2020. godinu i Odluku o načinu izvršavanja Financijskog plana Zavoda zdravstvenog osiguranja i reosiguranja Federacije BiH za 2020. godinu dostavila je Vlada Federacije.

Zastupnički dom Parlamenta Federacije Bosne i Hercegovine je na 9. sjednici održanoj 18.12.2019. godine donio Odluku o davanju suglasnosti na Financijski plan Zavoda zdravstvenog osiguranja i reosiguranja

Federacije BiH za 2020. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2020. godinu.

Prijedlog su razmatrala mjerodavna radna tijela i dostavila svoje izvješće. Finansijski plan je obrazložila direktorica Zavoda zdravstvenog osiguranja i reosiguranja FBiH, Vlatka Martinović.

Na Prijedlog odluke o davanju suglasnosti na Finansijski plan Zavoda zdravstvenog osiguranja i reosiguranja Federacije BiH za 2020. godinu Amandman je podnio Dragan Stevanović

U pretresu su sudjelovali Dragan Stevanović i direktorica Zavoda zdravstvenog osiguranja i reosiguranja FBiH Vlatka Martinović.

Na temelju rezultata predsjedatelj je konstatirao da je Dom naroda Parlamenta Federacije Bosne i Hercegovine sa 32 glasa za, tri suzdržana i sedam protiv donio Odluku o davanju suglasnosti na Finansijski plan Zavoda zdravstvenog osiguranja i reosiguranja Federacije BiH za 2020. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2020. godinu.

#### **11.Prijedlog odluke o davanju suglasnosti na Odluku o izmjenama i dopunama Finansijskog plana Federalnog zavoda za mirovinsko i invalidsko osiguranje za 2019. godinu,**

Prijedlog odluke o davanju suglasnosti na Odluku o izmjenama i dopunama Finansijskog plana Federalnog zavoda za mirovinsko i invalidsko osiguranje za 2019. godinu je utvrdila Vlada Federacije.

Zastupnički dom Parlamenta Federacije Bosne i Hercegovine je na 6. izvanrednoj sjednici održanoj 17.12.2019. godine donio Odluku o davanju suglasnosti na Odluku o izmjenama i dopunama Finansijskog plana Federalnog zavoda za mirovinsko i invalidsko osiguranje za 2019. godinu.

U pretresu je sudjelovao Aner Žuljević.

Na temelju rezultata predsjedatelj je konstatirao da je Dom naroda Parlamenta Federacije Bosne i Hercegovine donio Odluku o davanju suglasnosti na Odluku o izmjenama i dopunama Finansijskog plana Federalnog zavoda za penzijsko i invalidsko osiguranje za 2019. godinu.



## **12. Prijedlog finansijskog plana - proračuna FERK-a za 2019. godinu,**

Prijedlog finansijskog plana - proračuna FERK-a za 2019. godinu utvrdila je Regulatorna komisija za energiju u Federaciji Bosne i Hercegovine.

Zastupnički dom Parlamenta Federacije Bosne i Hercegovine je na 7. sjednici održanoj 29.10.2019. godine usvojio Prijedlog Finansijskog plana - proračuna FERK-a za 2019. godinu.

Prijedlog su razmatrala mjerodavna radna tijela i dostavila svoje izvješće.

U pretresu nitko nije sudjelovao.

Na temelju rezultata glasovanja predsjedatelj je konstatirao da je Dom naroda Parlamenta Federacije Bosne i Hercegovine jednoglasno sa 35 glasova usvojio sljedeći

### **ZAKLJUČAK**

Dom naroda Parlamenta Federacije Bosne i Hercegovine usvaja Prijedlog proračuna FERK - a za 2019. godinu.

## **13. Prijedlog finansijskog plana - proračuna FERK-a za 2020. godinu**

Prijedlog finansijskog plana - proračuna FERK-a za 2019. godinu utvrdila je Regulatorna komisija za energiju u Federaciji Bosne i Hercegovine.

Zastupnički dom Parlamenta Federacije Bosne i Hercegovine je na 9. sjednici održanoj 18.12.219. godine usvojio Prijedlog finansijskog plana - proračuna FERK-a za 2020. godinu.

Prijedlog su razmatrala mjerodavna radna tijela i dostavila svoje izvješće.

U pretresu nije nitko sudjelovao.

Na temelju rezultata glasovanja predsjedatelj je konstatirao da je Dom naroda Parlamenta Federacije Bosne i Hercegovine jednoglasno sa 37 glasova usvojio sljedeći

### **ZAKLJUČAK**

Dom naroda Parlamenta Federacije Bosne i Hercegovine usvaja Prijedlog proračuna FERK - a za 2020. godinu.

#### **14. Nacrt zakona o građevinskom zemljištu u Federaciji Bosne i Hercegovine**

Nacrt zakona utvrdila je Vlada Federacije.

Nacrt zakona o građevinskom zemljištu u Federaciji Bosne i Hercegovine obrazložio je direktor Uprave za geodetske imovinsko-pravne poslove, Željko Obradović.

U pretresu nitko nije sudjelovao.

Na temelju rezultata glasovanja predsjedatelj je konstatirao da je Dom naroda Parlamenta Federacije Bosne i Hercegovine jednoglasno sa 31 glasom za usvojio sljedeći

#### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o građevnom zemljištu u Federaciji Bosne i Hercegovine i smatra da može poslužiti kao temelj za izradu Prijedloga zakona
2. Zadužuje se predlagatelj da prilikom izrade Prijedloga zakona ima u vidu primjedbe, prijedloge i sugestije koje budu uložene na ovaj Nacrt zakona.

#### **15. Nacrt zakona o izmjenama i dopunama Zakona o registraciji poslovnih subjekata u Federaciji Bosne i Hercegovine**

Nacrt zakona utvrdila je Vlada Federacije.

Zastupnički dom Parlamenta Federacije Bosne i Hercegovine izvjestio je Dom naroda da je na 30. izvanrednoj sjednici održanoj 30.08.2018. godine razmatrao Nacrt zakona i prihvatio ga Zaključkom.

Nacrt zakona su razmatrala mjerodavna radna tijela i dostavila svoje izvješće.

Nacrt zakona o izmjenama i dopunama zakona o registraciji poslovnih subjekata u Federaciji Bosne i Hercegovine obrazložio je predstavnik Vlade Mato Jozić.

U pretresu je sudjelovao Aner Žuljević.

Na temelju rezultata glasovanja predsjedatelj je konstatirao da je Dom naroda Parlamenta Federacije Bosne i Hercegovine sa 37 glasova za, jedan suzdržan usvojio sljedeći

## ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o registraciji poslovnih subjekata u Federaciji Bosne i Hercegovine i smatra da može poslužiti kao temelj za izradu prijedloga zakona.
2. Zadužuje se predlagatelj da prilikom izrade prijedloga zakona ima u vidu primjedbe, prijedloge i sugestije iznesene na sjednici Doma naroda.

### **16.Nacrt zakona o izmjenama i dopunama zakona o osnovama socijalne zaštite, zaštite civilnih žrtava rata i zaštite obitelji s djecom**

Nacrt zakona je utvrdio Aljoša Čampara, izaslanik u Domu naroda Parlamenta Federacije BiH. Nacrt zakona je istovjetan Nacrtu zakona kojeg je u Predstavničkom domu podnio zastupnik Irfan Čengiđ.

Zastupnički dom Parlamenta Federacije Bosne i Hercegovine je na prvoj sjednici održanoj 28.02.2019. godine prihvatio Nacrt ovog zakona i stavio ga u javnu raspravu.

Nacrt zakona je obrazložio Aljoša Čampara .

U pretresu su sudjelovali Segmedina Srna Bajramović, Aljoša Čampara i Zvonko Marić.

Na temelju rezultata glasovanja predsjedatelj je konstatirao da je Dom naroda Parlamenta Federacije Bosne i Hercegovine sa 40 glasova za i jednim suzdržanim glasom usvojio sljedeći

## ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite obitelji s djecom i smatra da mogu poslužiti kao temelj za izradu prijedloga zakona.
2. Zadužuje se predlagatelj da zajedno sa mjerodavnim ministarstvom organizira i provede javnu raspravu u trajanju od 30 dana sukladno procedurama predviđenim u Ustavu Federacije BiH te donošenje zakona iz zajedničke mjerodavnosti federalne vlasti i kantona.

3. Zadužuje se Stručna služba Doma naroda Parlamenta FBiH da ovaj Zaključak i Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite obitelji s djecom dostavi kantonalnim skupštinama radi davanja mišljenja u roku od 30 dana.
4. Zadužuje se predlagatelj da prilikom Prijedloga zakona ima u vidu primjedbe, prijedloge i sugestije iznesene na današnjoj sjednici Doma naroda.

### **17. Nacrt zakona o sudskoj policiji u Federaciji BiH**

Nacrt zakona utvrdila je Vlada Federacije.

Zastupnički dom Parlamenta Federacije Bosne i Hercegovine je na 4. sjednici održanoj 10 i 11.09.2019. godine prihvatio Nacrt ovog zakona.

Nacrt zakona o sudskoj policiji u Federaciji BiH obrazložio je predstavnik Vlade, Mato Jozić.

U pretresu nije nitko sudjelovao.

Na temelju rezultata glasovanja sa 40 glasova za i jednim glasom suzdržan usvojio sljedeći

### **ZAKLJUČAK**

Dom naroda Parlamenta Federacije Bosne i Hercegovine prihvata Nacrt zakona o sudskoj policiji u FBiH i smatra da može poslužiti kao temelj za izradu prijedloga zakona.

### **18. Nacrt zakona o podršci porodicama sa djecom u Federaciji Bosne i Hercegovine**

Budući da predstavnik predlagatelja nije nazočio sjednici, ova točka je skinuta s dnevnog reda.

Potom je sjednica prekinuta u 18.42 sati.

\*\*\*

## NASTAVAK SJEDNICE OD 23.1. 2020. GODINE

Sjednica je počela sa radom u 12.15.

Sjednicom je predsjedao Tomislav Martinović, predsjedatelj Doma naroda Parlamenta Federacije Bosne i Hercegovine.

Predsjedatelj je pozdravio izaslanike, predstavnike Vlade Federacije Bosne i Hercegovine te predstavnike medija.

Izočnost sjednici opravdali su Jasminko Kapić, Nikica Bosnić, Mladen Lonić, Damir Marjanović, Drago Puzigaća, Zora Dujmović i Mirela Trepanić.

Prema evidenciji Stručne službe, sjednici nazoči 50 izaslanika što čini većinu pa Dom naroda može raditi i punovažno odlučivati.

Potom je predsjedatelj podsjetio izaslanike na preostale točke dnevnog reda i prešao na rad.

### **19. Prijedlog odluke o prihvatanju zaduženja po Sporazumu o zajmu između Međunarodne banke za obnovu i razvitak (IBRD) i Bosne i Hercegovine za realizaciju Projekta „Energetske efikasnosti - dodatno financiranje“**

Vlada Federacije Bosne i Hercegovine je utvrdila i dostavila Prijedlog odluke Parlamentu Federacije radi razmatranja i donošenja.

Zastupnički dom Parlamenta Federacije Bosne i Hercegovine je na 5. sjednici održanoj 9.10.2019. godine donio ovu Odluku.

Prijedlog odluke je razmatralo mjerodavno radno tijelo koje je dostavilo izvješće.

Prijedlog odluke je obrazložio predstavnik Federalnog ministarstva financija Vedad Nezirić.

U pretresu nije nitko sudjelovao.

Na temelju rezultata glasovanja predsjedatelj je konstatirao da je Dom naroda Parlamenta Federacije Bosne i Hercegovine, jednoglasno, sa 45 glasova za, donio Odluku o prihvatanju zaduženja po Sporazumu o zajmu između Međunarodne banke za obnovu i razvitak (IBRD) i Bosne i Hercegovine za realizaciju Projekta „Energetske efikasnosti - dodatno financiranje“.

**20. Prijedlog odluke o prihvatanju zaduženja po Ugovoru o zajmu između BiH i Evropske banke za obnovu i razvitak (EBRD) za realizaciju projekta “Javni prijevoz Sarajevo”**

Vlada Federacije Bosne i Hercegovine je utvrdila i dostavila prijedlog Odluke Parlamentu Federacije radi razmatranja i donošenja.

Zastupnički dom Parlamenta Federacije Bosne i Hercegovine je na 5. sjednici održanoj 20.11.2019. godine donio ovu Odluku.

Prijedlog odluke je razmatralo mjerodavno radno tijelo koje je dostavilo izvješće.

Prijedlog odluke je obrazložio predstavnik Federalnog ministarstva financija Vedad Nezirić.

U pretresu nije nitko sudjelovao.

Na temelju rezultata glasovanja predsjedatelj je konstatirao da je Dom naroda Parlamenta Federacije Bosne i Hercegovine, jednoglasno, sa 45 glasova za i četiri suzdržana glasa, donio Odluku o prihvatanju zaduženja po Ugovoru o zajmu između BiH i Evropske banke za obnovu i razvitak (EBRD) za realizaciju projekta “Javni prijevoz Sarajevo”.

**21. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvitak za realizaciju Projekta Živinice - Regionalna deponija za kruti otpad**

Vlada Federacije Bosne i Hercegovine je utvrdila i dostavila Prijedlog odluke Parlamentu Federacije radi razmatranja i donošenja.

Zastupnički dom Parlamenta Federacije Bosne i Hercegovine je na 5. sjednici održanoj 17.12.2019. godine donio ovu Odluku.

Prijedlog odluke je razmatralo mjerodavno radno tijelo koje je dostavilo izvješće.

Prijedlog odluke je obrazložio predstavnik Federalnog ministarstva financija Vedad Nezirić.

U pretresu nije nitko sudjelovao.

Na temelju rezultata glasovanja predsjedatelj je konstatirao da je Dom naroda Parlamenta Federacije Bosne i Hercegovine, jednoglasno, sa 47 glasova za i tri suzdržana glasa, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvitak za realizaciju Projekta Živinice - Regionalna deponija za kruti otpad.

**22. Prijedlog zaključka - (predlagatelj: Aner Žuljević, izaslanik u Domu naroda Parlamenta Federacije BiH).**

Izaslanik Aner Žuljević je izjavio da je donošenje zaključka imalo smisla u momentu njegova predlaganja, a kako je dokument objavljen izjavio je da odustaje od predloženog zaključka.

Predsjedatelj je izvjestio izaslanike da će 5. sjednica Doma naroda biti zakazana 13.2.2020. godine.

Sjednica je završena u 12.30 sati.

\* \* \*

Transkript sjednice čini sastavni dio Zapisnika.

TAJNIK

Izmir Hadživdić

PREDSJEDATELJ

Tomislav Martinović